

Izvještaj o radu Uprave policije MUP-a Kantona Sarajevo za mjesec decembar 2022. godine

KRIMINALITET

STATISTIČKI POKAZATELJI

U mjesecu decembru 2022. godine na području Kantona Sarajevo, prema službenim evidencijama Uprave policije MUP-a Kantona Sarajevo, registrovan je 391. događaj sa obilježjem krivičnog djela (47 ili 10,7% manje u odnosu na isti mjesec prethodne godine).

Od ukupno broja registrovanih događaja sa obilježjem krivičnog djela, 201 ili 51,4% je evidentiran po poznatom izvršiocu, a 190 ili 48,6% po nepoznatom izvršiocu.

Od ukupno 190 događaja sa obilježjem krivičnog djela evidentiranih po nepoznatom izvršiocu, naknadno je rasvijetljeno 95 ili 31,7% (što je za 18,3% više u odnosu na uporedni mjesec) od čega je 44 evidentirano u mjesecu decembru, a 51 u ranijem periodu.

U izvještajnom mjesecu Uprava policije MUP KS je nadležnim tužilaštvima prosljedila na odluku putem administrativnog djelovodnika ukupno 201. obavijest (20 manje) o događajima u kojima je pričinjena neznatna materijalna šteta.

OSNOVNI STATISTIČKI POKAZATELJI O DOGAĐAJIMA SA OBILJEŽJEM KRIVIČNOG DJELA
U MJESECU DECEMBRU 2022./21. GODINE

mjesec	Broj događaja sa obilježjem krivičnog djela			Broj naknadno rasvijetljenih događaja evidentiranih po nepoznatom izvršiocu		Broj evidentiranih lica			Broj lica lišenih slobode
	Ukupno	od toga		Ukupno	od toga iz ranijeg perioda	Ukupno	od toga		
		po poznatom izvršiocu	po NN izvršiocu				maloljetnici	povratnici	
DECEMBAR 2022. GODINE	391	201	190	95	51	280	5	171	106
DECEMBAR 2021. GODINE	438	217	221	70	50	258	7	165	100
<i>uporedba</i>	-47	-16	-31	25	1	22	-2	6	6
	-10,7%	-7,4%	-14%	35,7%	2%	8,5%	-28,6%	3,6%	6%

U toku mjeseca decembra prijavljeno je 280 lica (22 više), 171 povratnik (šest više) ili 61,1% od ukupnog broja prijavljenih lica), pet maloljetnika (dva manje), a 106 lica je lišeno slobode (šest više).

Za događaje sa obilježjem krivičnog djela, koji su evidentirani u mjesecu decembru 2022. godine, prema izjavama oštećenih lica, nastupila je materijalna šteta u ukupnom iznosu od 616.795,70 KM i 2.000,00 €.

**TABELARNI PREGLED DOGAĐAJA SA OBILJEŽJEM KRIVIČNOG DJELA U MJESECU DECEMBRU 2022./21. GODINE
NA PODRUČJU KANTONA SARAJEVO PREMA KRIVIČNOM ZAKONU FBiH-a i KZ BiH-a**

KZ FBiH-a i KZ BiH-a	DECEMBAR 2022.	DECEM BAR 2021.	uporedba ukupnog broja događaja sa obilježjem krivičnog djela		broj događaja po poznatom izvršiocu	broj događaja po NN izvršiocu	ukupan broj naknadno rasvjetljenih događaja	
			+ / -	%			broj	%
Protiv ustavnog poretka Federacije	0	1	-1	---	0	0	0	---
Protiv života i tijela	23	24	-1	-4,2%	19	4	3	75%
Protiv slobode i prava čovjeka i građanina	18	43	-25	-58,1%	16	2	1	50%
Protiv spolne slobode i morala	3	0	3	---	3	0	0	---
Protiv braka, porodice i mladeži	31	35	-4	-11,4%	31	0	0	---
Protiv zdravlja ljudi	40	25	15	60%	40	0	0	---
Protiv imovine	213	254	-41	-16,1%	38	175	79	45,1%
Protiv opće sigurnosti ljudi i imovine	11	10	1	10%	5	6	9	150%
Protiv sigurnosti javnog prometa	15	15	0	isto	15	0	0	---
Protiv pravosuđa	3	2	1	50%	2	1	0	0%
Protiv javnog reda i pravnog prometa	18	24	-6	-25%	16	2	3	150%
Protiv podmićivanja i krivična djela protiv.	3	4	-1	-25%	3	0	0	---
KD protiv čovječnosti i vrijednosti zaštićenih međunarodnim pravom (KZ BiH)	1	0	1	---	1	0	0	---
Dogovor, pripremanje, udruživanje i organizirani kriminal (KZBiH)	5	0	5	---	5	0	0	---
ZONDINOIM-a (Sl.novine KS br.01/18)	7	1	6	600%	7	0	0	---
UKUPNO	391	438	-47	-10,7%	201	190	95	50%

U mjesecu decembru 2022. godine u odnosu na isti mjesec prethodne godine, zabilježeno je smanjenje broja registrovanih događaja sa obilježjem krivičnog djela za 47 ili 10,7%. Najznačajnije smanjenje zabilježeno je u oblastima protiv imovine (za 41 događaj) i slobode i prava čovjeka i građanina (za 25) dok je najznačajnije povećanje evidentirano u oblasti protiv zdravlja ljudi (za 15 događaja).

PREGLED DOGAĐAJA SA OBILJEŽJEM KRIVIČNOG DJELA PO OBLASTIMA

PROTIV ŽIVOTA I TIJELA

Tokom decembra 2022. godine evidentirana su 23 događaja sa obilježjem krivičnog djela iz oblasti protiv života i tijela (jedan manje u odnosu na decembar 2021. godine) i to 19 po poznatom i četiri po nepoznatom izvršiocu. Evidentirani su slijedeći događaji:

- teška tjelesna ozljeda (član 172. KZ FBiH) – deset i
- lahka tjelesna ozljeda (član 173. KZ FBiH) – 13 događaja.

Nadležnom tužilaštvu podneseni su službeni izvještaji protiv 21. lica (dva maloljetnika), od čega je 12 povratnika ili 57,1%, a četiri su lišena slobode.

PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 18 događaja sa obilježjem krivičnog djela (25 manje) i to: ugrožavanje sigurnosti, za čije je izvršenje evidentirano 17 lica, od kojih je devet povratnika (ili 52,9%), a pet je lišeno slobode.

PROTIV BRAKA, PORODICE I MLADEŽI

Iz oblasti protiv braka, porodice i mladeži u mjesecu decembru evidentiran je 31 događaja sa obilježjem krivičnog djela (četiri manje) i to - nasilje u porodici – 29, zapuštanje ili zlostavljanje djeteta ili maloljetnika i izbjegavanje izdržavanja – po jedan događaj, za čije izvršenje je prijavljeno 31. lice, od kojih su 16 povratnika (ili 51,6%), a 18 lica je lišeno slobode.

PROTIV ZDRAVLJA LJUDI

Evidentirano je 40 događaja sa obilježjem krivičnog djela iz oblasti protiv zdravlja ljudi (15 više) i to:
- neovlašćena proizvodnja i stavljanje u promet opojnih droga (čl. 238. KZ FBiH) – sedam,
- posjedovanje i omogućavanje uživanja opojnih droga (čl. 239. KZ FBiH) – 33 događaj.
Nadležnom tužilaštvu podneseni su službeni izvještaji protiv 39 lica, među kojima je 25 povratnika (ili 64,1%), a 18 lica je lišeno slobode.

Policijski službenici Uprave policije su Kantonalnom tužilaštvu Sarajevo podnijeli službeni izvještaj protiv sedam lica zbog postojanja osnova sumnje da su u proteklom periodu u više navrata kupovali opojnu drogu "Marihuana", "Amfetamin" od za sada nepoznatih lica, na raznim lokalitetima, istu prepakivali, a zatim vršili prodaju raznim konzumentima na području Kantona Sarajevo, čime bi počinili krivično djelo iz člana 238. KZ FBiH-a (Neovlašćena proizvodnja i stavljanje u promet opojnih droga), a protiv 32 lica koja su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga ("Marihuana", "Heroin", "Ecstasy", itd.) čime bi počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).

PREGLED ODUZETE KOLIČINE OPOJNIH DROGA U MJESECU DECEMBRU 2022./21. GODINE

vrsta opojne droge	decembar 2022. godine	decembar 2021. godine
Marihuana (paketići)	70	3
Marihuana (u gramima)	365,881	3.851
Amfetamin (u gramima)	829,246	855
Amfetamin (paketići)	8	11,5
Ecstasy (tablete)	34	462
Speed (paketići)	5	1
Hašiš (u gramima)	---	20
Cannabis (stabljike)	4	---
Pribor sa ostacima droge	8	7

PROTIV IMOVINE

U ovom mjesecu, evidentirano je 213 događaja sa obilježjem krivičnog djela protiv imovine (38 po poznatom i 175 po nepoznatom izvršiocu) što je za 41 ili 16,1% manje u odnosu na isti mjesec prošle godine. Iz ove oblasti najbrojniji događaji sa obilježjem krivičnog djela su:

- teška krađa (član 287. KZ FBiH) – 86 (12 manje),
- krađa (član 286. KZ FBiH) – 74 (12 manje),
- oštećenje tuđe stvari (član 293. KZ FBiH) – 22 (pet manje),
- razbojništvo (član 289. KZ FBiH) – 15 (šest manje),
- prijevarena (član 294. KZ FBiH) - pet (dva više), itd.

Nadležnom tužilaštvu podneseni su službeni izvještaji protiv 85 lica, od kojih je 65 povratnika (ili 76,5%), a 33 su lišena slobode.

Od ukupno 175 događaja evidentiranog po nepoznatom izvršiocu iz oblasti protiv imovine naknadno je rasvijetljeno 79 ili 45,1% što je za 12,4% više u odnosu na decembar 2021. godine.

Prema objektima izvršenja teških krađa, 26 je izvršeno u motorna vozila (otuđenja motornih vozila i "provale" u ista) (dva više), 23 u poslovne prostorije (isto), 18 u stambe objekte (16 manje), 13 na ulici (pet više), itd.

U mjesecu decembru, evidentirana su tri otuđenja motornih vozila (dva više), kao i pronalazak i vraćanje tri vozila, od kojih su dva otuđena u ranijem periodu.

Evidentirana su 74 događaja sa obilježjem krivičnog djela krađe (12 manje) i to na ulici - 32 puta, u poslovnim prostorijama - 19, u stambenim objektima - 11, u vozilima i na stajalištima GRAS-a - osam, itd. odakle su otuđivani novčanici, mobiteli, prehrambeni proizvodi, auto dijelovi, itd.

Evidentirano je devet događaja sa obilježjem krivičnog djela teških krađa na naročito opasan ili naročito drzak način (četiri više), u kojima su izvršiocu, upotrebom fizičke snage (otimanjem i trganjem) - sedam puta i verbalnom prijetnjom u dva slučaja, otimali mobitele, novac i nakit, a evidentirani su: osam puta na ulici i u poslovnom prostoru - jedan. Nadležnom tužilaštvu podneseni su službeni izvještaji protiv dva lica, povratnika koja su lišena slobode.

U mjesecu decembru ove godine evidentirano je 15 događaja (dva po poznatom i 13 po nepoznatom izvršiocu) sa obilježjem krivičnog djela razbojništva (šest manje). Nadležnom tužilaštvu podneseni su izvještaji protiv 13 lica, od kojih je deset povratnika ili 76,9%, a devet je lišeno slobode. Od ukupno 13 događaja razbojništva evidentiranih po nepoznatom izvršiocu, naknadno je rasvijetljeno devet događaja ili 69,2% (što je za 4,5% manje u odnosu na uporedni mjesec). Razbojništva su izvršena prijetnjom upotrebe vatrenog oružja - šest puta, prijetnjom upotrebe noža ili drugog oštrog predmeta - šest i upotrebom fizičke snage - tri puta, a počinjena su u poslovnim prostorijama - četiri puta, na ulici - deset i u sportskoj kladionici - jedno. Otudivan je novac, mobiteli i nakit.

PROTIV OPĆE SIGURNOSTI LJUDI I IMOVINE

Iz ove oblasti evidentirano je 11 događaja (jedan više) i to: - izazivanje opće opasnosti, a nadležnom tužilaštvu podneseni službeni izvještaji protiv 12 lica, od kojih je deset povratnika, a pet je lišeno slobode. Događaji sa obilježjem krivičnog djela izazivanje opće opasnosti evidentirani su na otvorenom prostoru - osam puta, u stambenom dva i u ugostiteljskom objektu - jedan, pri čemu je u šest slučajeva upotrijebljeno vatreno oružje, četiri puta je otvorenim plamenom izazvan požar i u jednom slučaju je bačena i aktivirana nepoznata eksplozivna naprava. Posljedice izvršenja navedenih događaja su nastala materijalna šteta i uznemirenost građana.

PROTIV JAVNOG REDA I PRAVNOG PROMETA

U ovoj oblasti evidentirano je 18 događaja sa obilježjem krivičnog djela (šest manje) i to: nasilničko ponašanje - osam, nedozvoljeno držanje oružja ili eksplozivnih materija i krivotvorenje isprave - po četiri, napad na službenu osobu u vršenju poslova sigurnosti i ovjeravanje neistinitog sadržaja - po jedan događaj.

Nadležnom tužilaštvu podneseni su službeni izvještaji protiv 22 lica od kojih je devet povratnika (ili 40,9%), a osam je lišeno slobode.

DOGAĐAJI SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA

U mjesecu decembru 2022. godine evidentirano je pet događaja sa obilježjem krivičnog djela, u kojima je učestvovalo pet maloljetnih lica. U odnosu na isti mjesec 2021. godine smanjen je broj maloljetnih lica za dva ili 28,6%, a broj događaja sa obilježjem krivičnog djela ostao je isti. Prijavljeni maloljetnici su u dobi od 14 do 16 godina – dva i od 16 do 18 godina – tri.

OSNOVNI STATISTIČKI POKAZATELJI O DOGAĐAJIMA SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA U MJESECU DECEMBRU 2022/2021. GODINE

mjesec	Broj događaja sa obilježjem krivičnog djela	Broj evidentiranih maloljetnih lica
DECEMBAR 2022. GODINE	5	5
DECEMBAR 2021. GODINE	5	7
uporedba	isti broj	-2 ili 28,6%

STRUKTURA DOGAĐAJA SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA U MJESECU DECEMBRU 2022/2021. GODINE

dogadjaji sa obilježjem krivičnog djela (KZ FBiH)	decembar 2022	decembar 2021.
Teška tjelesna ozljeda	1	---
Lahka tjelesna ozljeda	1	---
Oštećenje tuđe stvari	---	1
Iskorišćavanje djeteta ili maloljetnika radi pornografije	1	---
Posjedovanje i omogućavanje uživanja opojnih droga	1	---
Teška krivična djela protiv sigurnosti javnog prometa u vezi ugrožavanje javnog prometa	1	---
teška djela protiv opće sigurnosti ljudi i imovine	---	1
Nasilničko ponašanje	---	3
ukupno	5	5

OSTALA PROTIVPRAVNA I ASOCIJALNA PONAŠANJA

1.4.1. AKTIVIRANJE MINSKO-EKSPLOZIVNIH SREDSTAVA

U toku mjeseca decembra 2022. godine na području Kantona Sarajevo evidentiran je jedan događaj aktiviranja minsko-eksplozivnih sredstava (nije bilo u decembru 2021. godine), usljed čega je nastupila materijalna šteta. Identifikovani su učiniooci i protiv istih su preduzete zakonske mjere.

U toku mjeseca decembra 2022. godine evidentirano je 25 anonimnih dojava o postavljenoj eksplozivnoj napravi, a odnosile su se većinom na banke (jedna u decembru 2021. godine). Nakon KDZ pregleda utvrđeno je da su dojave bile lažne, a preduzimaju se aktivnosti na rasvjetljavanju ovih događaja i pronalaženju učinilaca.

POŽARI

Tokom mjeseca decembra 2022. godine, na području Kantona Sarajevo registrovano je sedam požara (11 manje u odnosu na isti mjesec prethodne godine), koji su za posljedicu imali materijalnu šteta.

Požari su registrovani na području općina: Ilidža - tri, Novo Sarajevo - dva, Novi Grad i Hadžići - po jedan požar.

Prema statističkim pokazateljima, tri požara su izazvana namjerno, jedan nehatom, dok uzroci tri požara spadaju u kategoriju ostalih.

Požari su registrovani u:

- Stambenom objektu - tri puta,
- Saobraćajnom sredstvu - dva,
- Ostalim objektima - dva puta.

Zbog izazivanja požara nadležnom tužilaštvu podnesena su četiri službena izvještaja iz člana 323 KZ FBiH (izazivanje opće opasnosti).

SAMOUBISTVA

U mjesecu decembru 2022. godine na području Kantona Sarajevo registrovana su dva samoubistva (isto kao u decembru prošle godine), koja su izvršena vješanjem.

Izvršioi su muškarci starosne dobi: 49 i 82. godine.

OSTALE AKTIVNOSTI

U sklopu aktivnosti na oduzimanju nelegalno posjedovanog oružja i drugih predmeta oduzeto je pet puški, devet pištolja, jedan bokser, jedna eksplozivna naprava, 1.386 komada petardi i 297 komada municije različitog kalibra.

U mjesecu decembru ove godine fizičkim licima izdato je 246 odobrenja za nabavku vatrenog oružja i 253 oružna lista.

JAVNI RED I MIR

U toku mjeseca decembra 2022. godine u oblasti protiv javnog reda i mira evidentirano je 438 prekršaja (osam ili 1,8% manje u odnosu na isti mjesec 2021. godine), za čije izvršenje je prijavljeno 477 lica (10 ili 2,1% više), od čega je 89 povratnika u činjenju prekršaja.

Zbog učinjenih prekršaja u oblasti protiv javnog reda i mira izdato je 359 naloga i podneseno je 79 zahtjeva za pokretanje prekršajnog postupka.

Na prekršaje utvrđene Zakonom o prekršajima protiv javnog reda i mira odnosi se 423 prekršaja (ili 96,6%), a na prekršaje koji su utvrđeni Odlukom općinskih vijeća o javnom redu i miru 15 (ili 3,4%).

Od ukupnog broja prijavljenih lica, prema starosnoj strukturi učinilaca prekršaja, najbrojniji su u dobi preko 36 godina (211), između 26 i 35 godina (171), između 19 i 25 godina (94) i do 18 godina – jedno lice.

Prilikom narušavanja javnog reda i mira u mjesecu decembru 2022. godine, nije bilo teže povrijeđenih lica (isto kao u decembru 2021. godine), dok je 12 lica (pet više) lakše povrijeđeno.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA
ZA MJESEC DECEMBAR 2022/2021. GODINA

STRUKTURA PREKRŠAJA	decembar 2022.	decembar 2021.	+ - %
UKUPNO prekršajnih naloga i zahtjeva za ppp	438	446	-8 ili 1,8%
UKUPNO lica	477	467	+10 ili 2,1%
Prekršaji prema Zakonu o prekršajima protiv JRiM:	423	428	-5 ili 1,2%
- <i>Tuče</i>	36	28	+8 ili 28,6%
- <i>Naročito drsko ponašanje</i>	36	35	+1 ili 2,8%
- <i>Odbijanje naredenja i omalovažavanje pol. služb.</i>	23	26	-3 ili 11,5%

-Prosjačenje	181	258	-77 ili 29,8%
-Svađa, vika, nepristojno ponašanje	17	10	+7 ili 70%
-Paljenje petardi	8	9	-1 ili 11,1%
-Neovlaštena upotreba oružja	2	---	+2
-Ostali prekršaji	120	62	+58 ili 93,5%
Prekršaji prema Odluci OV o JRiM	15	18	-3 ili 16,7%

Iz tabelarnog pregleda vidljivo je, da je tokom mjeseca decembra 2022. godine, u odnosu na decembar prethodne godine prema strukturi prekršaja povećan broj:

- ostalih prekršaja za 58 ili 93,5%,
- tuča za osam ili 28,6%,
- svađa, vika, nepristojno ponašanje za sedam ili 70%;
- neovlaštena upotreba oružja za dva,
- naročito drskog ponašanja za jedan ili 2,8%;

dok je smanjen broj:

- prosjačenja za 77 ili 29,8%;
- odbijanje naređenja i omalovažavanje policijskih službenika za tri ili 11,5%,
- prekršaja koji su regulisani Odlukom općinskih vijeća za tri ili 16,7%,
- paljenje petardi za jedan ili 11,1%.

Prema vrsti prekršaja, najbrojniji su sljedeći prekršaji: prosjačenje (181 ili 41,3% od ukupnog broja), naročito drsko ponašanje (36 ili 8,2%), tuče (36 ili 8,2%) odbijanje naređenja i omalovažavanje policijskih službenika (23 ili 5,2%), svađa, vika, nepristojno ponašanje (17 ili 3,9%), paljenje petardi (osam ili 1,8%) i neovlaštena upotreba oružja (dva ili 0,4). Takođe, evidentirano je 120 prekršaja iz kategorije ostali prekršaji i 15 prekršaja koji su regulisani Odlukom općinskih vijeća.

Prema mjestu izvršenja, najveći broj prekršaja evidentiran je na ulici i na drugim otvorenim prostorima (411 ili 93,8% od ukupnog broja), a znatno manje u ugostiteljskim objektima – tri, u školama i školskim dvorištima i u trgovinama i zanatskim radnjama – po dva i na ostalim mjestima 20 prekršaja.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA PREMA MJESTU IZVRŠENJA ZA MJESEC DECEMBAR 2022/2021. GODINE

MJESTO IZVRŠENJA	decembar 2022.	decembar 2021.	+ - %
Ulica i drugi otvoreni prostor	411	426	-15 ili 3,5%
Ugostiteljski objekti	3	8	-5 ili 62,5%
Sportski stadioni i dvorane	---	---	---
Škole (školska dvorišta)	2	---	+2
Vozila javnog saobraćaja	---	---	---
Trgovinske radnje	2	1	+2 ili 100%
Ostala mjesta	20	11	+9 ili 81,8%
UKUPNO	438	446	-8 ili 1,8%

U odnosu na isti mjesec 2021. godine, smanjen je broj prekršaja evidentiranih na ulici i drugim otvorenim prostorima za 15 ili 3,5%, u ugostiteljskim objektima za pet ili 62,5%, dok je povećan broj prekršaja na ostalim mjestima za devet ili 81,8%, u trgovinskim radnjama za dva ili 81,8% i u školama i školskim dvorištima za dva.

Na području Kantona Sarajevo u mjesecu decembru 2022. godine održano je 208 javnih skupova (48 ili 30% više u odnosu na mjesec decembar 2021. godine). Policijski službenici Uprave policije proveli su planske aktivnosti za bezbjedno održavanje javnih skupova i izvršili 43 KDZ osiguranja.

SAOBRAĆAJ

Na području Kantona Sarajevo u mjesecu decembru 2022. godine registrovano je 998 saobraćajnih nezgoda (319 ili 47 % više), od čega su 924 sa materijalnom štetom (307 ili 49,7 % više) i 74 sa nastradalim licima (12 ili 19,3 % više).

UPOREDNI POKAZATELJI SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
U MJESECU DECEMBRU 2022./21. GODINE

	decembar 2022.	decembar 2021.	uporedba
UKUPNO SAOBRAĆAJNIH NEZGODA	998	679	+ 319 ili 47 %
Saobraćajne nezgode sa nastradalim licima	74	62	+ 12 ili 19,3 %
Saobraćajne nezgode sa materijalnom štetom	924	617	+ 307 ili 49,7 %
POGINULO LICA	2	1	+ 1 ili 100 %
- vozači	1	0	+ 1
-putnici	0	0	-----
- pješaci	1	1	-----
POVRIJEĐENO LICA	98	78	+ 20 ili 25,6 %
- vozači	47	41	+ 6 ili 14,6 %
- putnici	29	19	+ 10 ili 52,6 %
- pješaci	22	18	+ 4 ili 22,2 %

U naselju je registrovano 889 saobraćajnih nezgoda (dvije sa poginulim, 62. sa povrijeđenim licima i 825 sa materijalnom štetom), van naselja 109 nezgoda (10 sa povrijeđenim licima i 99 sa materijalnom štetom).

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
U MJESECU DECEMBRU 2022. GODINE (U NASELJU I VAN NASELJA)

SAOBRAĆAJNE NEZGODE	SA NASTRADALIM LICIMA			SA MATERIJALNOM ŠTETOM	UKUPNO	POSLJEDICE		
	sa poginulim licima	sa povrijeđenim licima				broj poginulih lica	broj teže povrijeđenih lica	broj lakše povrijeđenih lica
		teže	lakše					
u naselju	2	10	52	825	889	2	11	74
van naselja		1	9	99	109		1	12
UKUPNO	2	11	61	924	998	2	12	86

Prema kategoriji puta, najveći broj saobraćajnih nezgoda registrovan je:

- na ulicama u naselju - 602 nezgode u kojima je 51. lice nastradalo (dva lica poginula, 49 lica povrijeđeno, devet teže i 40 lakše),
- na magistralnim putevima - 125 nezgoda u kojima su 23 lica povrijeđena (dvoje teže i 21. lakše),
- na regionalnim putevima - 55 (pet lica povrijeđeno, jedno teže i četiri lakše),
- na lokalnim putevima - 98 (devet lica lakše povrijeđeno),
- na putevima koji se ubrajaju u kategoriju ostalih - 118 nezgoda u kojima je 12 lica lakše povrijeđeno.

POSLJEDICE SAOBRAĆAJNIH NEZGODA

Tokom mjeseca decembra 2022. godine, u saobraćajnim nezgodama na području Kantona Sarajevo 100 lica je nastradalo (21 ili 26,6 % više). Dva lica su poginula (jedno ili 100 % više), dok je 98 lica povrijeđeno (20 ili 25,6 % više), od čega 12 teže (tri ili 20 % manje) i 86 lakše (23 ili 36,5 % više).

LICA POVRIJEĐENA U SAOBRAĆAJNIM NEZGODAMA

Od ukupno 98 povrijeđenih lica u mjesecu decembru 2022. godine evidentirano je: 47 vozača (pet teže i 42 lakše), 29 putnika (tri teže i 26 lakše) i 22 pješaka (četiri teže i 18 lakše).

Starosna struktura nastradalih lica u saobraćajnim nezgodama je slijedeća:

- Ispod šest godina - dva lica,
- od 6 do 17 godina – četiri,
- od 18 do 24 godina - 18,
- od 25 do 30 godina - 21,
- od 31 do 40 godina - 12,
- od 41 do 50 godina – 18,
- od 51 do 65 godina - 13,
- 66 i više godina - devet,
- Nepoznata starosna dob - tri lica.

Starosna struktura nastradalih vozača u saobraćajnim nezgodama je slijedeća:

- od 18 do 23 godine - pet,
- od 23 do 30 godina - 13,
- od 30 do 40 godina - sedam,
- od 40 do 50 godina - 13,
- od 50 do 60 godina - šest,
- 60 i više godina - tri,
- Nepoznata starosna dob - jedno lice.

UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju:

- ostalih - 838 (dva lica poginula, 65 lica povrijeđeno, 11 teže i 54 lakše),
- neprilagođena brzina - 159 (33 lica povrijeđena, jedno teže i 32 lakše),
- uticaj alkohola - jedna nezgoda (bez nastradalih lica).

AKTIVNOSTI POLICIJE IZ OBLASTI SIGURNOSTI SAOBRAĆAJA

Tokom mjeseca decembra 2022. godine, policijski službenici Uprave policije MUP-a Kantona Sarajevo kontrolisali su:

- 21.410 vozila i vozača (1.449 više),
- 5.885. lica u vozilima (1.337 više),
- pregledali 440 vozila (devet manje) i 369 lica u vozilima (12 više).

Zbog tehničke neispravnosti iz saobraćaja su isključena 33 vozila (27 manje), 562 vozača su zatečena da upravljaju vozilom pod dejstvom alkohola (140 više), 533 bez korištenja sigurnosnog pojasa (tri manje), 192 bez položenog vozačkog ispita (37 više), 67 pod izrečenom zaštitnom mjerom (13 više), 407 vozača je zatečeno da koriste mobilne telefone tokom vožnje (94 više) i 400 vozila koja su učestvovala u saobraćaju bez važeće registracije (844 manje).

Zbog kršenja propisa iz oblasti sigurnosti saobraćaja uručeno je 27.300 prekršajnih naloga vozačima (6.852 ili 33,5 % više u odnosu na decembar prošle godine) i podneseno 318 zahtjeva za pokretanje prekršajnog postupka (76 ili 31,4 % više).

Tokom mjeseca decembra 2022. godine, nije bilo oduzimanja motornih vozila od višestrukih povratnika u vršenju prekršaja iz oblasti ZOOBS-a.

MIRUJUĆI SAOBRAĆAJ I KONTROLA PJEŠAKA

Policijski službenici su tokom mjeseca decembra 2022. godine provodili aktivnosti u okviru saobraćaja u mirovanju i kontrole kretanja pješaka.

Vozačima koji su vozila nedozvoljeno parkirali na javnim površinama, uručeno je 11.488 prekršajnih naloga (461 više), upozoreno je 135 vozača (75 manje), a specijalnim vozilom "pauk" premješteno je 128 vozila (140 manje).

Takođe, pješacima koji su kršili propise uručeno je 397 prekršajnih naloga (318 više), a upozoren je 21 pješak (jedan više).

ZAKONITOST U RADU

Tokom mjeseca decembra 2022. godine, registrovan je jedan pojedinačni napad (dva manje) na policijske službenike Uprave policije MUP-a KS. Napad je izvršen na policijske službenike PU Ilidža od strane jednog punoljetnog lica.

Takođe, u mjesecu decembru 2022. godine registrovan je jedan slučaj opravdane upotrebe sile.

Razmatrano je 30 predstavki na rad policijskih službenika. Nakon razmatranja Odbor za žalbe građana Skupštine Kantona Sarajevo donio je zaključak da se za 12 predstavki (isti broj) provede unutrašnja istraga, dok je za 18 predstavki odlučeno da se izvrše provjere i prikupi dokumentacija.

Od 30 razmatranih predstavki, 24 je podneseno od strane građana, dok šest predstavki predstavljaju saznanja iz službe.

Okončano je 19 unutrašnjih istraga, od čega je osam neosnovanih, u šest slučajeva interni postupak je prekinut do okončanja krivičnog postupka ili krivične istrage, u dva slučaja nije bilo dovoljno dokaza, u dva slučaja stranka je odustala od žalbe, dok je jedna istraga osnovana.

RAD POLICIJE U ZAJEDNICI

U okviru Rada policije u zajednici, policijski službenici Uprave policije MUP-a Kantona Sarajevo su i tokom mjeseca decembra 2022. godine provodili aktivnosti u cilju uspostavljanja saradnje sa građanima, mjesnim zajednicama, predstavnicima vjerskih zajednica, raznim udruženjima građana i nevladinim organizacijama.

Tokom mjeseca decembra za učenike osnovnih i srednjih škola organizovane su edukativne radionice, okrugli stolovi, projekti, među kojima izdvajamo: „Zloupotreba pirotehničkih sredstava“, „Djeca u saobraćaju“, „Stop vršnjačkom nasilju“, „Oružje ne štiti, oružje ubija“, „Borba protiv trgovine ljudima“, „Opijati i ovisnost“, „Prevencija maloljetničkog prijestupništva - prava i obaveze“, „Volontiranje je cool-saobraćajna patrola“ i dr.

Sa ciljem upoznavanja zaimanja „policajac“ u prostorijama PU Ilidža je organizovana posjeta mališana iz vrtića "Dječija radost", dok je u prostorijama PU Novi Grad organizovana posjeta učenika iz „Škole za slijepa i slabovidna lica“.

Policajci u zajednici su pratili poštivanje izrečenih zaštitinih mjera od strane Općinskog suda u Sarajevu iz oblasti nasilja u porodici. S tim u vezi, obilazili su i kontaktirali žrtve nasilja kao i nasilnike, kako bi osigurali poštivanje izrečenih mjera, veći stepen sigurnosti za žrtve i preventivno djelovanje na eventualno ponavljanje nasilja.

MIGRANTI

Na osnovu Izvještaja Operativnog tima za pitanja migranata, a prema podacima IOM-a na području Kantona Sarajevo u prihvatnim, azilantskim i imigracionim centrima boravi cca 1.089 migranata (283 ili 20,6% manje u odnosu na decembar 2021. godine).

U mjesecu decembru 2022. godine migranti su učestovali u četiri događaja sa obilježjem krivičnog djela (jedan ili 33,3% više) i to:

- teška tjelesna ozljeda (čl. 172 KZ FBiH),
- lahka tjelesna ozljeda (čl. 173 KZ FBiH),
- nasilje porodici (čl. 222 KZ FBiH) i
- krađa (čl. 286. KZ FBiH).

Tokom mjeseca decembra 2022. godine, službenici policije proveli su jednu akciju, kontrolisali su 37 migranata, od čega 15 nije posjedovalo registracijski obrazac, 11 je predato službi za poslove sa strancima radi registracije i 22 migranata su smještena u prihvatne centre na području Kantona Sarajevo.

TABELARNI PREGLED OSNOVNIH STATISTIČKIH POKAZATELJA O MIGRANTSKOJ POPULACIJI

MJESEC DECEMBAR 2022. GODINE	KANTON SARAJEVO
UKUPAN BROJ MIGRANATA KOJI BORAVI NA PODRUČJU KANTONA SARAJEVO (SLOBODNA PROCJENA I PODACI IOM-a)	1.089
UKUPAN BROJ KONTROLISANIH MIGRANATA	37
BROJ MIGRANATA LIŠENIH SLOBODE	1
BROJ KRIVIČNIH DJELA POČINJENIH OD STRANE MIGRANATA	4
BROJ PREKRŠAJA POČINJENIH OD STRANE MIGRANATA	0
BROJ INCIDENATA POČINJENIH OD STRANE MIGRANATA	4
BROJ MIGRANATA KOJI SU VRAĆENI IZ SUSJEDNIH DRŽAVA	0
BROJ AKCIJA POLICIJE VEZANIH ZA KRIJUMČARENJE ILEGALNIH MIGRANATA	0
BROJ MIGRANATA PREDATIH U IMIGRACIONI CENTAR ILI SLUŽBI ZA POSLOVE SA STRANCIMA	22

Sarjevo, 13.01.2023. godine

Odjeljenje za odnose s javnošću